



O'ZBEKISTON RESPUBLIKASI
PREZIDENTI HUZURIDAGI
STATISTIKA AGENTLIGI



**SURXONDARYO VILOYATIDAGI
MAKTABGACHA TA'LIMNING
ASOSIY STATISTIK KO'RSATKICHLARI**
(2024-yil 1-yanvar holatiga)

SURXONDARYO VILOYATIDAGI MAKTABGACHA TA'LIM TIZIMI

Maktabgacha ta'lim bo'yicha press-reviz – bu sohadagi rivojlanishlanish tendentsiyalarini kuzatib borish uchun muhim vosita hisoblanadi. Ushbu press-revizda, birinchi navbatda, maktabgacha ta'lim tizimining rivojlanishini tavsiflovchi va bu sohaga boshqacha nuqtai nazardan qarash imkonini beruvchi rasmiy statistik ma'lumotlar keltirilgan.

Press-revizning asosiy maqsadi maktabgacha ta'lim sohasidagi hozirgi holatni aks ettirish, taqdim etilayotgan maktabgacha ta'lim sifatiga, barqaror rivojlanishga erishish yo'lidagi natijalar sarhisobi, shuningdek, farzandlarimizning ta'lim sifatini yaxshilashga qaratilgan samarali strategiyalarni ishlab chiqishga ko'maklashishdan iborat.

Maktabgacha ta'lim bola hayotidagi eng muhim bosqich bo'lib, u bolalarning rivojlanishida muhim rol o'ynaydi, shaxsning shakllanishiga, uning intellektual, ma'naviy- axloqiy, estetik va jismoniy rivojlanishiga, shuningdek, bolalarni umumiy o'rta ta'limga tayyorlashga ta'sir qiladi va ularning kelajagini belgilaydi. Garchi bu bolalar rivojlanishining turli sohalari bo'lsa-da, ular o'zaro bog'liqdir. Hozirgi vaqtda maktabgacha ta'lim, ta'lim tizimining ajralmas qismiga aylandi va uning ahamiyati doimiy ravishda ortib bormoqda.

Press-revizda maktabgacha ta'lim tizimining turli jihatlarini tavsiflovchi davlat va nodavlat maktabgacha ta'lim tashkilotlarining (oilaviy nodavlat maktabgacha ta'lim tashkilotlarini qo'shgan holda) asosiy ko'rsatkichlari, xususan, maktabgacha ta'lim tashkilotlari va ulardagi bolalar soni, ushbu sohada faoliyat yuritayotgan pedagoglar va tarbiyachilar soni, 3 yoshdan 6 yoshgacha bo'lgan bolalarni maktabgacha ta'lim bilan qamrab olish ko'rsatkichlari kabi ma'lumotlar keltirilgan.

Oilaviy nodavlat maktabgacha ta'lim tashkiloti faqat davlat-xususiy sheriklikning oilaviy nodavlat maktabgacha ta'lim tashkilotlarini moddiy-texnik va metodik jihatdan ta'minlash shakli asosida tashkil etiladi.

Oilaviy nodavlat maktabgacha ta'lim tashkiloti shaklida maktabgacha ta'lim va tarbiya sohasida ta'lim xizmatlari yakka tartibdagi tadbirkor sifatida ro'yxatdan o'tkazilgan jismoniy shaxslar tomonidan ko'rsatiladi.

Ushbu press-reviz O'zbekiston Respublikasi Maktabgacha va maktab ta'limi vazirligining maktabgacha ta'lim tashkilotlari bo'yicha idoraviy ma'lumotlari integratsiyasi orqali olingan ma'lumotlar asosida tayyorlandi.


Surxondaryo viloyatidagi faoliyat yuritayotgan maktabgacha ta'lim tashkilotlari soni

(2024-yil 1-yanvar holatiga, birlik)

2 921 ta

Surxondaryo viloyatida faoliyat yuritayotgan maktabgacha ta'lim tashkilotlari, oilaviy nodavlat maktabgacha ta'lim tashkilotlari sonini qo'shgan holda, **2 921** tani tashkil etdi.

Faoliyat yuritayotgan maktabgacha ta'lim tashkilotlari sonining shahar va tumanlar kesimida taqsimlanishi, (birlik)



Faoliyat yuritayotgan maktabgacha ta'lim tashkilotlarining eng katta qismi Denov (413 ta), Jarqo'rg'on (288 ta) va Qumqo'rg'on (282 ta) tumanlarida kuzatilgan bo'lsa, boshqa tumanlarga nisbatan eng past ko'rsatkich Bandixon (69 ta), Boysun (101 ta) va Termiz (109 ta) qayd etilgan.

Surxondaryo viloyatidagi maktabgacha ta'lim tashkilotlaridagi o'rinlar soni*


(2024-yil 1-yanvar holatiga, ming birlik)

212 848
ta

Maktabgacha ta'lim tashkilotlaridagi o'rinlar soni ushbu sohadagi eng muhim ko'rsatkichlardan biri deb hisoblanib, barcha kichik yoshdagi bolalarga bolalar bog'chalariga borish va maktabga tayyorgarlik ko'rish imkoniyatini davlat va mahalliy hokimiyat organlari tomonidan ta'minlanishini aks ettiradi.

*Oilaviy nodavlat maktabgacha ta'lim tashkilotlaridagi o'rinlar soni to'g'risidagi ma'lumotlarsiz keltirilgan.

Maktabgacha ta'lim tashkilotlaridagi o'rinlar sonining shahar va tumanlar kesimida taqsimlanishi, (ming birlik)



Maktabgacha ta'lim tashkilotlaridagi o'rinlar sonining eng kata qismi Denov (25,1), Jarqo'rg'on (19,0) va Qumqo'rg'on (18,5) tumanlariga to'g'ri kelgan bo'lsa, boshqa tumanlarga nisbatan eng past ko'rsatkich Bandixon (6,8) hamda Boysun (9,0) tumanlarida kuzatilgan.

Surxondaryo viloyatidagi maktabgacha ta'lim tashkilotlaridagi guruhlar soni*


(2024-yil 1-yanvar holatiga, birlik)

7 110 ta

Maktabgacha ta'lim muassasalaridagi guruhlar bolalarni tarbiyalash va o'qitish jarayonida muhim rol o'ynaydi. Ushbu guruhlar bolalarning yoshi va psixologik xususiyatlarini hisobga olgan holda tashkil etiladi, bu esa ularning har tomonlama rivojlanishi uchun eng yaxshi sharoitlarni yaratishga imkon beradi.

*Oilaviy nodavlat maktabgacha ta'lim tashkilotlaridagi guruhlar soni to'g'risidagi ma'lumotlarsiz keltirilgan.

Maktabgacha ta'lim tashkilotlaridagi guruhlar sonining shahar va tumanlar kesimida taqsimlanishi, (birlik)



Shahar va tumanlar kesimida eng ko'p maktabgacha ta'lim tashkilotlari guruhleri Denov (905 ta), Jarqo'rg'on (659 ta) va Sho'rchi (622 ta) tumanlarida qayd etilgan, boshqa tumanlar bilan solishtirganda, eng past ko'rsatkichlar Bandixon (194 ta) hamda Boysun va Termiz (288 tadan) kuzatilgan.


Surxondaryo viloyatidagi oilaviy nodavlat maktabgacha ta'lim tashkilotlari soni

(2024-yil 1-yanvar holatiga, birlik)



Surxondaryo viloyatida oilaviy nodavlat maktabgacha ta'lim tashkilotlari soni **2 279** tani tashkil etdi.

Oilaviy nodavlat maktabgacha ta'lim tashkilotlari sonining shahar va tumanlar kesimida taqsimlanishi, (birlik)



Oilaviy nodavlat maktabgacha ta'lim tashkilotlarining eng katta qismi Denov (338 ta), Jarqo'rg'on (236 ta) va Qumqo'rg'on (235 ta) tumanlarida qayd etilgan bo'lsa, boshqa tumanlarga nisbatan eng past ko'rsatkich Bandixon (54 ta), Boysun (71 ta) hamda Qiziriq (82 ta) tumanlariga to'g'ri kelgan.


Surxondaryo viloyatidagi maktabgacha ta'lim tashkilotlaridagi bolalar soni

(2024-yil 1-yanvar holatiga, ming kishi)

160 417
kishi

Surxondaryo viloyatida maktabgacha ta'lim tashkilotlaridagi bolalar soni **160,4** ming nafarni tashkil etdi.

Maktabgacha ta'lim tashkilotlaridagi bolalar sonining shahar va tumanlar kesimida taqsimlanishi, (ming kishi)




Maktabgacha ta'lim tashkilotlaridagi bolalar sonining eng ko'p qismi Denov (19,5), Jarqo'rg'on (15,0) va Qumqo'rg'on (13,7) tumanlarida qayd etilgan bo'lsa, boshqa tumanlarga nisbatan eng past ko'rsatkich Bandixon (4,8) hamda Boysun (6,5) tumanlarida kuzatilgan.

Surxondaryo viloyatidagi maktabgacha ta'lim tashkilotlaridagi bolalarning gender taqsimoti

(2024-yil 1-yanvar holatiga, foizda)

Maktabgacha ta'lim tashkilotlaridagi bolalar sonida o'g'il bolalarning ulushi **66,5** foizni, qizlarning ulushi esa **33,5** foizni tashkil etgan. 2020-yil 1-yanvar holati bilan solishtirganda qizlarning soni **50,4** foizga, o'g'il bolalarning soni **87,7** foizga oshgan.

Maktabgacha ta'lim tashkilotlaridagi bolalar sonining shahar va tumanlar bo'yicha gender taqsimoti, (foizda)




Surxondaryo viloyatidagi 3-6 yoshdagi bolalarni maktabgacha ta'lim bilan qamrab olinishi

(2024-yil 1-yanvar holatiga, foizda)

160 382 kishi

3-6 yoshli bolalarni maktabgacha ta'lim bilan qamrab olinishi bo'yicha ko'rsatkich **58,9** foizni tashkil etdi. Ushbu ijobiy tendensiyani bolalarni erta bolalik davrida har tomonlama rivojlanishi uchun ta'lim strategiyalari va dasturlarini muvaffaqiyatli amalga oshirilishi natijasi sifatida baholash mumkin.

3-6 yoshdagi bolalarni maktabgacha ta'lim bilan qamrovining shahar va tumanlar kesimida taqsimlanishi, (foizda)



3-6 yoshdagi bolalarning eng ko'p qismi Termiz (85,3 foiz), Termiz sh (74,1 foiz) va Angor (73,1 foiz) tumanlarida maktabgacha ta'lim bilan qamrab olingan bo'lsa, boshqa hududlarga nisbatan eng past qamrov Oltinsoy (53,4 foiz) hamda Sariosiyo (53,5 foiz) tumanlarida kuzatilgan.


Surxondaryo viloyatidagi 3-6 yoshdagi bolalarni jinsi bo'yicha maktabgacha ta'lim bilan qamrab olinishi

(2024-yil 1-yanvar holatiga, foizda)



3-6 yoshdagi o'g'il bolalarning maktabgacha ta'lim bilan qamrovi **76,5** foizni, qizlarning qamrovi esa **41,8** foizni tashkil etdi.

3-6 yoshdagi bolalarni jinsi bo'yicha maktabgacha ta'lim bilan qamrab olinishining shahar va tumanlar kesimida taqsimlanishi, (foizda)



Statistik ko'rsatkichlarga izoh

Maktabgacha ta'lim va tarbiya — bolalarga ta'lim va tarbiya berishga, ularni intellektual, ma'naviy-axloqiy, etik, estetik va jismoniy jihatdan rivojlantirishga, shuningdek, bolalarni umumiy o'rta ta'limga tayyorlashga qaratilgan uzluksiz ta'lim turi.

Maktabgacha ta'lim tashkiloti — maktabgacha ta'lim va tarbiya sohasida ta'lim va tarbiya xizmatlari ko'rsatuvchi davlat va nodavlat tashkiloti.

Davlat maktabgacha ta'lim tashkiloti — davlat tomonidan moliyalashtiriladigan va boshqariladigan hamda maktabgacha ta'lim va tarbiyaning davlat standartiga muvofiq maktabgacha ta'lim va tarbiya xizmatlari ko'rsatuvchi tashkilot.

Nodavlat maktabgacha ta'lim tashkiloti — nodavlat ta'lim xizmatlarini ko'rsatish sohasidagi faoliyatni amalga oshirishga doir litsenziya asosida maktabgacha ta'lim va tarbiya sohasida ta'lim va tarbiya xizmatlarini ko'rsatuvchi yuridik shaxs.

Oilaviy nodavlat maktabgacha ta'lim tashkiloti faqat davlat-xususiy sheriklikning oilaviy nodavlat maktabgacha ta'lim tashkilotlarini moddiy-texnik va metodik jihatdan ta'minlash shakli asosida tashkil etiladi. Oilaviy nodavlat maktabgacha ta'lim tashkilotlarida 50 nafargacha bolalarga maktabgacha ta'lim va tarbiya berilishiga yo'l qo'yiladi.

Maktabgacha ta'lim tashkilotlaridagi bolalar soni – yil oxirida maktabgacha ta'lim tashkilotlari ro'yxatida turgan maktabgacha ta'lim yoshidagi bolalar soni.

Maktabgacha bo'lgan yosh — bolalarning tug'ilgan paytidan yetti yoshgacha, to ularga umumiy o'rta ta'lim tashkilotlarida ta'lim berish boshlangan paytga qadar bo'lgan yoshi.

Bolalarning maktabgacha ta'lim tashkilotlarida joylar bilan ta'minlanganligi — ushbu ko'rsatkich bolalar sonining maktabgacha ta'lim muassasalaridagi joylar soniga nisbati bilan aniqlanadi. Qiyosiy tahlilda bu yerda maktabgacha ta'lim tuzilmalaridagi har 100 ta joyga to'g'ri keladigan bolalar soni bo'yicha ma'lumotlar qo'llaniladi.

3-6 yoshdagi bolalarni maktabgacha ta'lim bilan qamrab olinishi – ushbu ko'rsatkich maktabgacha ta'lim tashkilotlari ro'yxatida turgan 3-6 yoshdagi bolalar sonining mazkur yoshdagi aholi soniga (doimiy aholining joriy hisobi asosida olingan demografik statistik ma'lumotlarga ko'ra) nisbati bilan aniqlanadi.



**Press-relizni tayyorlash uchun mas'ul:
Ijtimoiy soha statistikasi bo'limi**



**O'zbekiston Respublikasi Prezidenti
huzuridagi Statistika agentligi
Surxondaryo viloyati statistika boshqarmasi**



**Manzil: Termiz shahar
At-Termiziy ko'chasi, 7-uy**



Tel. +99876 225-65-73

